

## **TRANS WORLD RADIO**

**LE MOT DU JOUR**

**NDE JASIN**

**SCRIPT ID : 1034**

**TITRE: Réassurance**

**Titre : E WLA SU WALE EKUN**

**Pasteur Paul Schroeder**

### **NDE I BÔBÔLE**

Mi si mu o ni mi ni mun, Anian klôfue kpamu, nyô amu klwawlwa amu liké é mi Jesus-Christ i duman nu. Man Nyanmien i aundjue ni amu klwawlwa klwawlwa bé tran. Ye man é si Nyanmien bo si aunvue o si amu aunvue sa klwawlwa nu é mi J-C i duman nu man o yô so Amen. Ande, o ti mi akludjue éku ke, é ni amu, é ce Nyanmien i nde mon o ti akludjue nde i nu. Ye ande nde lie mon é jran su é kan nde yele : E wla nga'n, é fa we Nyanmien su ékun . Aniaan klôfue kpa'n, nkunde ke a wun wafa nga mon asonufue mun bé fa bé wla bé fa we CHRIST su, blé kéklé nga mon o ju bé nguan nun. O man sié o su nan tié vié.

### **NDE I NU JIJILE**

Sa kéklééké, o ni awlabue sa nga mon o to'n sran mun bé su ti'n, bé akunnda o sangan, ye bé tran awla bue nun lélé o kun bé kpô. O kusuman nsi kpa ke, cen vié o wla o bô o wun, wô akunnda o sangan, afin sa nga mon bé ju wo su mu'n, bé sonni: tukpace wa kuakua wo, vié wa vié'n o sran mu bé kun.

Sran mun bé bu wo wazo fue, o ji-o, annze, o wun-o, wa ra wo, I so sa mu'n bé kwlakwla ti'n, o wla wa bo wo wun, ye sran fi o nu man le nan wa fovo wo. Nanwle, o nguan nu'n, o ti awla bue sa mun ngumi, ye ngokue wa kun wo kpo.

Aniaan si kpa ke I so sa mu'n, bé ju'n asonufue mun bé su vié. I so ble so nun, sranvié mun bé sé wo ke'n, a su nyanman liké fi Nyanmien sa nu, mon o kwla fovo wo. Kpekun, sran vié mun bé saci wo ti nu, bé sé wo ke'n, Nyanmien o kwla déman wo.

Aniaan o ti a tô, Nyanmien o kwla sa kawla yô. Afin 1Corin 10 v 13 o sé like : *« Sa nga mon o to o su'n, é kwla fa é wla kwlaa we i Nyanmien su, afin o kplin-man su ke sa nga'n o son man'n amun nun'n, o to amun su. Ye'n, o yô sa nga tie man'n akwla fité nun »*. O man se sran vié mun, bé su fa wo ko sa te yôle nun, sa nga mon wa ju wo su ti'n, nan kplin su ke bé saci wo tinu mlonmlon. Nanwle, Nyanmien o su yaci man wo le. Nan man sran fi atin nan'n, o bubu o sa sin, nan'n o sé wo ke, Nnyanmien o kwla dé man wo.

Jran kéklé, ye a yan wo ti. Aniaan klôfue kpa'n, si ke cen vié o wumien o su ju-man, a le-man fangan fi sa nga mon o ju wo su bé nyrun, ye awlabue wa kun wo kpô.

Nian, é niaan kun o yô asidan, se a séke: nga, o ti man liké fi, nan awlabue ye wa fa wle I nun ékun-on. Sannge se a séke nan man o wla o bô, Nyanmien o nin wo bé wô nun, ye o wuka wo, nga mon o juli wô su Nyanmien o si, ye o su yaci man wo le, o man fa o wla wu su, ye o dé wo. I so nde mun, o ti fovole nde, ye a su uka o nian nan i wla, o wa asé.

Afin Nyanmien o kwla liké kwla yô sakpa. Liké fi o nu manle mon Nyanmien o kwla yô man-on. Afin bé fle alulua, bé fleke atre Nyanmien, mon o si sa kwlaa, mon kwla liké kwla yô.

Se o sa nun wa vié, ye o wla wa bô wo wun, ye wa sé o wun ke o lie wa vié. Nkan klé wo ke o nian vié man, afin Nnyanmien o klô wo, o künde ke o dé wo, nan man'n o sa sin o bubu wo, fa o wla we Nyanmien su, ye o dé wo.

Aniaan, wanli ye o ta waka mon o kéjé man-I o nian man-on? Ble kéklé nun, Nyanmien o künde ke a lafi i su, a fa o wla kwla a we I su. Afin Nyanmien o si wo klun akunda mun kwlakwla. Ye awlen ba nun kanni'n, Nnyanmien kungba ce ye o si fua-o. Afin o feli i wawe o man ni wo, o ti wo fonvofue, o ti wo ukafue, ye o ti wo fanngan man fue kpa nion. O man lafi Nyanmien su. Ke sa kéklé mun bé ba'n, bé kale-man, o su sé man wo ke'n, siésié o wun nan mba. O nin so ngba, Nyanmien kusu man o su yaci man o le.

Se a wun sran kun mon o wo awla bue nu, nan a wen a men i afotue, dumua sre Nnyanmien man-I, nan Nyanmien o wuke, ye nan'n man I su lafile o kpozo, ye nan'n man o kaci I sin o si Nyanmien, man Nyanmien o wuke I so sran lie nan'n o jran kéklé. Se o bôfle Nyanmien, man'n o te su.

Aniaan Nyanmien o ti anvo sifue Nyanmien, ye o kwla liké kwla yô. Nan lafi o ngwlele su, nan lafi o wumien su, nan lafi o sile dan su, afin sa vié mu bé tra wo kpen, ye i so sa mun bé nyrun akwla yôman liké fi, san Nyanmien kungba ce ye o kwla dé wo. Asu kwla bu-man o wun yakpafue sa so mun bé nyrun. San Nnyanmien kungba ce ye o kwla fovo wo.

Si kpa ke'n, sa so mun bé kwla ju sran kwla su, asonufue mu bé wô nun vié. Bé wla o kwla bô, ye bé wla o kwla sanngan bé wun. Se é ci nglemu-o, se é sre Nyanmien-o, se ékanngan Nyanmien nde-o, klô sran mon é ti ti'n sa kéklé vié mun bé kwla to yé su, san Nyanmien I anvo sile nun, ye o kwla dé yé-o.

Aniaan klôfue kpa, si ke Nyanmien o su yaci man wô dé, o sasa wo sa te I lika, ye se sa te bôbô o ju wô su, Nyanmien o kwla yô man o kaci sa kpa o lika, o ti akasié ye Nyanmien o bôli wô, klôle mon o klô wo ti-o. Si kpa ke Nyanmien I blelie o nin klô sran lie o ti man kun. Se akunnde ke Nyanmien o dé wo ande, si ke ble o wô I sa nun, o dé wo, afin o klô wô.

Aniaan, si ke asonufue mu'n, Nyanmien ye o cici bé wla-o sa kéklé nga mon o ju bé su nu. O kusu man Nyanmien o klô wo vié, ye o si wo afe mu bé kwlakwla. Lafi i su, fa o wla kwlaa we I su, ye o dé wo.

#### NDE I KPLOE I BOLE

Aniaan klôfue kpa, é ble wa vié, man Nyanmien o uka wo, nan'n a wun nde nga mon'n é fi bé kannlele'n, bé kwlakwla bé wle wéi kpa. Man Nyanmien o uka nan si sran fovo ble kéklé nun. Fa o wla we Nyanmien su ble kéklé nun, nan sre o ku wo, ye nan mbuke o tran wo awlen ba nun, Nyanmien o wôle, o dé wo. Man Nyanmien o ra wo su, é Mi Jésus duman, man o yô so. Amen